



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

*Մեր կոնտակտները՝*

*Պաշտոնական կայք՝ <http://www.armin.am>*

*Էլ. փոստ՝ [info@armin.am](mailto:info@armin.am)*

«Պատմական հուշարձանների և կուլտուրական մյուս արժեքների պահպանության նկատմամբ հոգատարությունը Հայկական ՍՍՀ Բաղաճառների պարտքն ու պարտականությունն է»:  
(ՀՍՍՀ սահմանադրություն, հոդված 66)

Հարավային ճակատ



Հայկական միջնադարյան ճարտարապետական հորինվածքների թվում առանձնակի տեղ ունեն Հոփսիմեի տիպի կառույցները: Ընդհանուրապես մտքի փայլուն վերելքի արգասիք են դրանք, հայտնի միայն Հայաստանում և Վրաստանում: Այս կարգի հուշարձանների նախօրինակն է VI դարի վերջում կառուցված Ավանի տաճարը: 618 թ. կառուցվում է Հոփսիմեի տաճարը, որը և օրինակ հանդիսացավ նույն 7-րդ դարում կառուցված մի շարք հուշարձանների համար: Այս կարգի հուշարձաններից է Սիսավանի տաճարը (այժմ Սիսիան շրջանային կենտրոն), որ կառուցված է նույն



Արևելյան ճակատ. լուսամուտների պսակներ

դարի վերջին քառորդում: Այն մեղ է հասել համեմատաբար լավ պահպանված վիճակում:

Հուշարձանը քառաբսիզ հորինվածք է, պարփակված արտաքին պատերով կազմված ուղղանկյան մեջ: Արևելյան և արևմտյան արսիդների առջև տեղավորված նախախորանները որոշ ձգվածություն են հաղորդում կառույցին: Նրա կոմպոզիցիոն կենտրոնն է գմբեթատակ քառակուսին, որին շրոս հիմնական առանցքներով հպված են արսիդները: Անկյուններում տեղավորված են 3/4 հենախորշերը: Վերջիններից մուտք է բացվում դեպի անկյունային սենյակները: Տաճարն ունի երկու մուտք՝ հարավից և արևմուտքից:

Բոլոր արսիդներն էլ ունեն երեքական լուսամուտ, որոնցից կողայինները բացվում են հատվածքում եռանկյունաձև լայն և խոր խորշերի մեջ: Գմբեթատակ փոխանցումը իրականացված է անկյունա-

յին բլուրաձև հենախորշերից վեր տեղավորված շրոս լայնաթուխ տրոմպների միջոցով, որոնց վրա էլ հենվում է ներսից ութանկյուն, դրսից 12 նիստ ունեցող սլաքիկ թմբուկը: Նրա վերին եզրին տեղավորված են ութ, մեկ ամբողջական քարի մեջ փորված փոքր տրոմպները, որոնք և փոխանցում են ստեղծում դեպի գմբեթի հիմքի շրջագիծը:

Տաճարի ներքին տարածությունները մշակված են պարզ ու հստակ ձևերով: Լայնարձակ գմբեթատակ տարածքի եզրամասերում առաջացող ութ հզոր որմնամույթերն էլ իրենց վրա են կրում գմբեթի ամբողջ ծանրությունը: Նշված համամասնությունների ներդաշնակ համախումբն է, որ այնքան տպավորիչ է դարձնում տաճարի ընդարձակ, լուսավոր ներքին տեսքը:

Ինչ վերաբերում է արտաքին ծավալային հորինվածքին, ապա այստեղ գերիշխում են հայկական ճարտարապետու-




Ընդհանուր տեսքը հյուսիս-արևմուտքից

Քյան մեջ դեռևս V—VI դարերում մշակված ավանդական ձևերը: Բուլոր կողմերում առանձնակի շեշտված են խաչաթևերը, արսիդներին համապատասխանող հատվածները պահպանված են ճակտոնապատերով: Նրանցից աչ և ձախ անկյունային սենյակներին համապատասխանող ավելի ցածրագիր ծածկերն են, քեթություններով ուղղված դեպի հարավ և հյուսիս: Բուլոր ճակատներն էլ մշակված են բարձր, հատվածքում եռանկյունաձև խորշերով, իսկ պանիքը կազմող խաչաթևերի հատման տեղում բարձրացող քրեթխատակ քառակուսու վրա էլ հենվում է արտաքինից 12 նիստ ունեցող թմբուկը: Այն շրջանցում է զույգ որմ-

նասյունների վրա հենվող զեկորատիվ կամարաշարը, և թմբուկի նիստերը պահվում է ուժեղ ելուստ ունեցող հյուսված զարդարաձևերով մշակված քիվը: Թմբուկի լուսամուտները տեղավորված են գլխավոր առանցքներին համապատասխանող նիստերի վրա և ընդամենը շորսն են: Միայն նման լուծման դեպքում հնարավոր էր համակերպել ներսի ութանիստը դրսի տասներկու նիստի հետ, ընդ որում արտաքին նիստերի քանակի ավելացումը

Տանարի գլխավոր արսիդը






Արևելյան ճակատ



Տրամպային փոխանցում



Արևմտյան ճակատ. Հովհաննես  
եկեղեցու քարձաքանդակը



Արձանագրություն տաճարի պատին

անշուշտ թելադրված է եղել զեկորատիվ կամարաշարի ներդաշնակ համաչափություններ ստանալու ձգտումով: Մյուս կողմից թմբուկի ընդամենը շորս լուսամուտը չէր կարող ապահովել տաճարի անհրաժշտ լուսավորությունը, հանգամանք, որը և ստիպել է, ի տարբերություն նույնատիպ այլ տաճարների, բոլոր արսիդներում էլ տեղավորել երեքական լուսամուտ:

Մեծ վարպետությունը է մշակված տաճարի հարգարանքը: Ներսի որմնասյունների ոլորազարդ խոյակները, լուսամուտների և խորշերի պատկերը բոլորն էլ լավ հայտնի են վաղ միջնադարյան զեկորատիվ արվեստում, թեև դրանցից շատերը՝ ինչպես օրինակ նուներով ծածկված պատկերներ խիստ յուրովի են և ուշագրավ:

Սիսականի տաճարը բավականին հարուստ է սյուժետային պատկերաքանդակ-

ներով: Այսպես, հարավային և արևմտյան ճակատների խորշերի վերին անկյուններում առկա են աշխարհիկ մարդկանց դիմաքանդակներ: Տաճարի արևմտյան պատին տեղավորված է Հովհաննես եկեղեցու քարձաքանդակը, իսկ թմբուկի քիվի վրա, շորս ուղղություններով՝ շորս ավետարանիչների կիսանդրիները: Սակայն առավել հետաքրքիրը ներսում, փոքր տրոմպայների մեջ տեղավորված դիմաքանդակներն են, որոնք համեմատաբար լավ են պահպանվել և ունեն մակագրություններ:

Հյուսիս-արևելյան փոքր տրոմպայի մեջ պատկերված է Սյունյաց տեր Կոհազատ իշխանը, նրանից ձախ Քևոզորոս վանականը, իսկ դեպի աջ՝ Սյունյաց Հովսեփ Ա. եպիսկոպոսը: Դիմաքանդակներն ունեն ակնհայտ կոստորական բնույթ, այստեղ պատկերված են այն անձինք, ովքեր հիմնադրել են և միջոցներ տրամադրել տաճարի կառուցման համար: Ա.

ռանձնապես տպավորիչ է և Կոճազատ իշխանի դիմաքանդակը. արտահայտիչ են նրա նշաձև աչքերը, յուրովի, ոչ կանոնիկ դիմագծերը: Քանդակագործը արել է ամեն ինչ պորտրետային նմանության հասնելու համար: Կոճազատ իշխանի մասին ոչինչ չեն գրում պատմիչները, սակայն լավ հայտնի է Սյունյաց Հովսեփ Ա. եպիսկոպոսի կառավարման ժամանակը (670—689), հանգամանք, որը և հնարավորություն է տալիս թվագրել հուշարձանը VII դարի վերջին տասնամյակներով:

Սիսավանի տաճարը մեզ էր հասել թեև ամբողջովին կանգուն, սակայն զգալի վնասվածքներով, 1959—1961 թվականներին վերանորոգվեցին քարեթր և բուրբ ծածկերը, պատերի առանձին հատվածներ:

Մնացականյան Ստեփան Խաչատուրի

ՍԻՍԱՎԱՆԻ ՏԱՃԱՐԸ

© ՀՍՍՀ պատմության և կուլտուրայի հուշարձանների պահպանության ընկերություն

Մասն. խմբագիր՝ Վ. Մ. Հարությունյան  
Խմբագիր՝ Ս. Վ. Ստեփանյան  
Նկարիչ՝ Ս. Ս. Մկրտչյան  
Տեխն. խմբագիր՝ Ա. Գ. Ասրյան  
Վերստուգող սրբագրիչ՝ Գ. Զ. Ղազարյան

Հանձնված է շարվածքի 21.07.1986 թ.:  
Ստորագրված է տպագրության  
14.07.1987 թ.: Ֆորմատ՝ 84×108<sup>1</sup>/<sub>32</sub>՝  
Թուղթ՝ «Կավճապատ», տպագր. 0,42  
պայմ. մամ., հրատ.՝ 0,4 մամ.: Պատվեր  
778: Տպաքանակ 10000: Գինը 15 կոպ.:  
ՀՍՍՀ հրատարակչությունների, պոլիգրա-  
ֆիայի և գրքի առևտրի գործերի պետա-  
կան կոմիտեի № 2 տպարանի մասնաճյուղ,  
Երևան, Մարշալ Բաղրամյանի պող. № 26: